

Broj: 01-04-13-00130/2023
Sarajevo, 12.01.2023.godine

**BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA SARAJEVO
PREDSJEDAVALJUĆI SKUPŠTINE- Elvedin Okerić
veza vaš akt br. 01-04-51520-37/22 od 28.12.2022.godine**

n/p- zastupnik Samir Avdić

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
SEKRETARIJAT VLADE
n/p- sekretarka- mr.sci. Edita Kalajdžić**

PREDMET: Odgovor na zastupničku inicijativu, dostavlja se

Poštovani,

Federalna uprava za inspekcijske poslove zaprimila je dana 05.01.2023.godine akt gornji broj koji je zastupnička inicijativa, koju je zastupnik Skupštine kantona Sarajevo, Samir Avdić, podnio na Prvoj radnoj sjednici Skupštine kantona, održanoj dana 28.12.2022.godine.

Uvaženi zastupnik se konkretnom inicijativom obratio na adrese nekoliko organa, između ostalih i Federalnoj upravi, sa zahtjevom, da mu odgovorimo, šta je nadležna federalna inspekcija poduzela vezano za problem eksploatacije riječnog pijeska (šljunka) na više lokacija u koritu rijeke Željeznice, kao i popunjavanja ogromnih depresija zemljišta prilikom različitih građevinskih radova, koje radnje su uzrokovale stvaranje ogromne deponije građevinskog otpada različite vrste, a radi se o 1.Vodozaštitnoj zoni u kojoj se nalaze bunari iz kojih se vodom snabdijeva ogroman broj građana Kantoan Sarajevo.

Za pripremu odgovora konsultovan je Federalni vodni inspektorat.

Federalni vodni inspektorat je u nekoliko navrata obavljao inspekcijske nadzore vezano za problematiku vađenja šljunka iz rijeke Željeznice. Naime, po svakoj inicijativi i prijavi nelegalnih radova u koritu i oko korita rijeke Željeznice, federalna vodna inspekcija je izlazila

na teren i poduzimala mjere u skladu sa Zakonom¹ o vodama Federacije BiH. Međutim, u većini slučajeva prijavitelji nisu navodili naziv/ime eventualnog izvršioca nelegalnih radova, a i sami inspektori, izlaskom na teren nisu zatekli na licu mjesta osobe da vrše radnje vađenja šljunka iz korita rijeke.

Za potrebe dobijanja stručnog mišljenja u vezi vršenja inspekcijskog nadzora u skladu sa Odlukom o zaštiti izvorišta vode za piće u Sarajevskom polju, Federalni vodni inspektorat se obratio Federalnom ministarstvu poljoprivrede, vodoprivrede i šumarstva, koje je svoje mišljenje² dostavilo u julu 2020.godine. Od Federalnog ministarstva smo dobili uputu da stručno mišljenje zatražimo od Agencije za vodno područje rijeke Save Sarajevo, kojoj se Inspektorat obratio, i dobio mišljenje, u kojem Agencija ističe, da je *Odluka³ o zaštiti izvorišta vode za piće u Sarajevskom polju nevažeća.*

Ova, kao i sve druge odluke i podzakonska akta (pravilnici, uredbe, odluke, isl.) kojima se reguliraju pitanja zaštite voda proglašene su nevažećom članom 60. Zakona⁴ o zaštiti voda, a isti član glasi: „ *Danom stupanja na snagu ovog Zakona prestaju važiti odredbe posebnih propisa koje reguliraju pitanje zaštite voda.*“

Također, informišemo uvaženog zastupnika, da je nadležna federalna vodna inspekcija po prijavi, izvršila inspekcijski nadzor dana 01.07.2022.godine kod subjekta nadzora Mevludin Commerce d.o.o. Sarajevo, gdje je inspekcijskim zapisnikom konstatovano da na dan obavljanja nadzora na licu mjesta nisu zatečeni kamioni kontrolisanog subjekta nadzora, i da se istima ne vrše bilo kakve radnje odlaganja zemljanog materijala. Prilikom ovog nadzora, odgovorna osoba kod subjekta nadzora je dala na uvid nadležnom inspektoru Odobrenje⁵ izato od strane općine Ilidža, gdje se ovom privrednom subjektu odobrava nasipanje i vršenje nivelacije terena, zemljom iz iskopa i neopasnim građevinskim otpadom, na potezu uzvodno od mosta spasa prema Vojkovićima (sa lijeve strane rijeke Željeznice) i općina Ilidža, a u cilju pripreme terena za izgradnju obaloutvrde i buduće moderne saobraćajnice od značaja za lokalnu zajednicu.

Smatramo da smo ovim dali traženi odgovor uvaženom zastupniku.

S poštovanjem,

Dostavljeno:

- 1 x Predsjedavajući skupštine KS -Elvedin Okerić
- 1 x Zastupnik Samir Avdić
- 1 x Generalna sekretarka Vlade FBiH -- mr.sci. Edita Kalajdžić
- 1 x a/a



¹ Zakon o vodama Federacije BiH („Službene novine FBiH“ broj: 70/06)

² Akt FMPVŠ br. 07-21-1/4-1090/20 od 29.07.2020.godine

³ Odluka o zaštiti izvorišta vode za piće u Sarajevskom polju („Službene novine grada Sarajeva“ br. 2/87)

⁴ Zakon o zaštiti voda („Službene novine Federacije BiH“ broj: 33/03 i 54/04),

⁵ Odobrenje broj:02-19-4139/20 od 16.09.2020.godine